



Broj: 05-05-32240/17 RA
Sarajevo, 19.12.2017. godine

SKUPŠTINA KANTONA SARAJEVO
- o v d j e -

n/r prof. Ana Babić, predsjedateljica

PREDMET: Dostava odgovora na zastupničko pitanje – zastupnik Semir Halilović
Veza: Akt Vlade Kantona Sarajevo broj 16-49-148-210/17 od 30.11.2017. godine

Zastupnik u Skupštini Kantona Sarajevo, Edin Forto, na 35. Radnoj sjednici Skupštine Kantona Sarajevo, održanoj dana 15.11.2017. godine, u okviru tačke Dnevnog reda "Zastupnička pitanja, inicijative i odgovori", u skladu sa Poslovníkom Skupštine Kantona Sarajevo, postavio je zastupnička pitanja, kako slijedi:

"Tražim od Vlade Kantona Sarajevo da mi dostavi spisak direktora javnih preduzeća i javnih ustanova u Kantonu Sarajevo, kojima Skupština Kantona Sarajevo u periodu 2010 - 2017. nije usvojila izvještaj o radu a isti su i nakon neusvajanja izvještaja ostali na svojim funkcijama, godinu ili više dana nakon neusvajanja izvještaja o poslovanju."

Vlada Kantona Sarajevo je na 104. sjednici održanoj 30.11.2017. godine pod tačkom dnevnog reda "Aktuelna pitanja" razmatrala Zastupničko pitanje zastupnika u Skupštini Kantona Sarajevo Semira Halilovića, te zauzela stav da su ministarstva koja prate i nadziru rad javnih preduzeća i javnih ustanova, dužni da pripremljene odgovore na postavljeno zastupničko pitanje prosljede Skupštini Kantona Sarajevo.

ODGOVOR:

U skladu sa članom 19. Odluke o osnivanju Kantonalne javne ustanove za zaštićena prirodna područja ("Službene novine Kantona Sarajevo", broj 31/17) nadzor nad zakonitošću rada Kantonalne javne ustanove za zaštićena prirodna područja (u daljem tekstu: KJU) vrši Ministarstvo prostornog uređenja, građenja i zaštite okoliša Kantona Sarajevo (u daljem tekstu: Ministarstvo).

Skupština Kantona Sarajevo je krajem 2009. godine donijela Odluku o izmjenama i dopunama Odluke o osnivanju Kantonalne javne ustanove SP "Vrelo Bosne", čime je raniji naziv Kantonalne javne ustanove SP "Vrelo Bosne" promijenjen u sadašnji KJU, proširena djelatnost, a shodno tome u 2010. godini izvršena i neophodna reorganizacija. Prvi izvještaj o radu i finansijskom poslovanju KJU dostavila je 2011. godine putem ovog Ministarstva Skupštini KS na razmatranje i odlučivanje. S tim u vezi, Skupština je usvojila izvještaje o radu i finansijskom poslovanju KJU za 2011, 2012, 2013. i 2014. godinu.



Dana 30.05.2016. godine Skupština je donijela Zaključak broj: 01-05-19998/16, kojim nije usvojila Izvještaj o radu i finansijskom poslovanju KJU za 2015. godinu, a direktor KJU je u to vrijeme bio Delić Osman. Vlada Kantona je prethodno prihvatila pomenuti izvještaj, a imajući u vidu da je KJU uspješno realizovala propisane aktivnosti i ostvarila vlastite prihode u iznosu od 545.203,98 KM. Direktor KJU je ostao na poziciji do kraja mandata, odnosno preostalih devet mjeseci. Inače, za razliku od sada važeće ranijom Odlukom o osnivanju KJU ("Sl. novine Kantona Sarajevo", broj 6/10-Prečišćeni tekst, 14/11 i 15/14) nije bila definisana mogućnost niti obaveza razrješenja organa rukovođenja (direktora) u slučaju kada Skupština KS ne usvoji izvještaj o radu i finansijskom poslovanju za prethodnu godinu.

U međuvremenu, raspisan je novi javni konkurs za izbor direktora, a nakon provedene procedure, u kojoj je dostavljena samo jedna prijava koja je zadovoljila sve opće i posebne uslove, Upravni odbor je, uz prethodnu saglasnost Vlade KS, dana 14.06.2017. godine imenovao Delić Osmana za direktora KJU, na novi mandat od četiri godine. Na kraju, kada je u pitanju Izvještaj o radu i finansijskom poslovanju za 2016. godinu, isti je Skupština usvojila Zaključkom broj: 01-05-30146/17 dana 09.10.2017. godine.

S poštovanjem,

MINISTAR

Čedomir Lukić, dipl.ing.arh.

Pripremila: Amela Rokša, stručni savjetnik

Kontrolisala: Zijada Krvavac, pomoćnik ministra za zaštitu okoliša

Dostaviti:

- Naslov
- Stručna služba Vlade Kantona Sarajevo, ovdje (na znanje)
- Evidencija
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029, Fax: + 387 (0) 33 562-031
Sarajevo, Reisa Džemaludina Čauševića 1

